



Broj: 02-04-3-2575-1/24
Goražde, 29.11.2024.godine

Na osnovu člana 70. stav 1., 3. i 6. Zakona o javnim nabavkama ("Službeni glasnik BiH" br.39/14, 59/22, 50/24) u postupku javne nabavke – otvoreni postupak za nabavku usluga revizije projektne dokumentacije za potrebe Grada Goražda, Gradonačelnik Grada Goražda donosi:

O D L U K U

o izboru najpovoljnijeg ponuđača sa kojim će se zaključiti okvirni sporazum za pružanje usluga revizije projektne dokumentacije za objekte visokogradnje i niskogradnje (lot 1)

I

Ovom Odlukom se nakon provedene tenderske procedure za pružanje usluga revizije projektne dokumentacije za objekte visokogradnje i niskogradnje (Lot 1), prihvata prvorangirana i najpovoljnija ponuda ponuđača „Kohisa” d.o.o. Sarajevo sa ukupnom cijenom u iznosu od 2.376,50 KM bez uračunatog PDV-a i ponuđenim procentom za određivanje cijene usluge revizije koji iznosi 1,70% od vrijednosti projektne dokumentacije.

II

Ova Odluka će se objaviti na web stranici Gradske uprave Goražde www.gorazde.ba sa istovremenim upućivanjem ponuđačima koji su učestvovali u postupku javne nabavke.

III

Nakon pravosnažnosti ove Odluke po isteku roka od 15 dana od datuma Obavještenja ponuđača, ugovorni organ će pozvati izabranog ponuđača radi zaključenja odgovarajućeg okvirnog sporazuma kojim će regulisati međusobna prava i obaveze vezane za predmetnu nabavku shodno uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Izabrani ponuđač će prije popisivanja okvirnog sporazuma, u roku od 7 dana od dana zaprimanja obavještenja o rezultatima postupka dostaviti ugovornom organu, original ili ovjerene fotokopije dokaza o ispunjavanju uslova u pogledu lične sposobnosti iz člana 45. Zakona o javnim nabavkama (tačka 5.1.4. TD), dokaze o ispunjavanju uslova iz člana 48. i 50. Zakona (tačka 5.4.3.) kao i original ili ovjerenu fotokopiju važeće licence koju izdaje Federalno ministarstvo prostornog uređenja ili nadležno kantonalno ministarstvo za obavljanje djelatnosti arhitektonsko-inženjerskog projektovanja.

O b r a z l o ž e n j e

Gradonačelnik Grada Goražda je dana 21.10.2024. godine donio Odluku o pokretanju postupka javne nabavke usluga revizije projektne dokumentacije za potrebe Grada Goražda broj 02-04-3-3575/24 u otvorenom postupku nabavke. Predmetna nabavka je podjeljena na sljedeće lot-ove:

Lot 1 - Pružanje usluga revizije projektne dokumentacije za objekte visokogradnje i niskogradnje,
Lot 2 - Pružanje usluga revizije za objekte za koje je potrebno pribaviti vodne akte.

Na osnovu navedene odluke objavljeno je Obavještenje o javnoj nabavci na portalu javnih nabavki dana 22.10.2024. godine. Tenderska dokumentacija za ovu nabavku je objavljena takođe na portalu javnih nabavki i istu je preuzelo 24 zainteresiranih ponuđača.

Na osnovu pomenutog obavještenja proveden je postupak prikupljanja i otvaranja ponuda što je konstatovano u zapisniku sa otvaranja ponuda od 13.11.2024. godine.

Komisija za provođenje procedure javne nabavke imenovana posebnim rješenjem Gradonačelnika Grada Goražda dostavila je zapisnik o pregledu i ocjeni ponuda iz kojeg se vidi sljedeće:

- da su roku za dostavljanje ponuda za pružanje usluga revizije za objekte visokogradnje i niskogradnje (lot), dostavljene ponuda od strane ponuđača „Uniprojekt“ d.o.o. Goražde, „Encos“ d.o.o. Sarajevo, „Radis“ d.o.o. Istočno Sarajevo, „Smajić inženjering“ d.o.o. Goražde, „Ida-inženjering“ d.o.o. Bugojno, „Kohisa“ d.o.o. Sarajevo, „Urbis centar“ d.o.o. Banja Luka i Institut za građevinarstvo „IG“ Banja Luka;

- da ponude ponuđača „Encos“ d.o.o. Sarajevo, „Radis“ d.o.o. Istočno Sarajevo, „Smajić inženjering“ d.o.o. Goražde, „Ida-inženjering“ d.o.o. Bugojno, „Kohisa“ d.o.o. Sarajevo, „Urbis centar“ d.o.o. Banja Luka i Institut za građevinarstvo „IG“ Banja Luka ispunjavaju uslove postavljene tenderom u pogledu formalno pravne ispravnosti, uslove u pogledu lične situacije i sposobnosti za obavljanje profesionalne djelatnosti kao i tehničke i profesionalne sposobnosti ponuđača;

- da je ponuda ponuđača „Uniprojekt“ d.o.o. Goražde ocjenjena kao nepravilna, obzirom da ponuđač nije uz ponudu dostavio Izjavu ovjerenu od strane ponuđača da posjeduje odgovarajuća potrebna ovlaštenja (licence) koja je neophodno obezbijediti najkasnije do momenta potpisivanja okvirnog sporazuma, kako je to predviđeno tačkom 5.4.3. TD – Ostali uslovi vezano za tehničku i profesionalnu sposobnost ponuđača, već je dostavljena ovjerena fotokopija Rješenja broj UP-I:09-26/22 od 26.01.2023. godine izdato od strane Ministarstva za urbanizam, prostorno uređenje i zaštitu okoline BPK-a Goražde o utvrđivanju minimalnih i specifičnih kadrovskih i materijalno-tehničkih uslova koje moraju ispunjavati projektanti da bi dobili licencu, koji dokument se ne može prihvatiti kao dokaz o posjedovanju odgovarajućeg potrebnog ovlaštenja (licence) za obavljanje djelatnosti arhitektonsko-inženjerskog projektovanja izdato od strane nadležnog Federalnog ministarstva ili nadležnog Ministarstva BPK-a Goražde.

- da je ponuda ponuđača „Kohisa“ d.o.o. Goražde sa ukupnom cijenom u iznosu od 2.376,50 KM bez uračunatog PDV-a i ponuđenim procentom za određivanje cijene usluge revizije koji iznosi 1,70% od vrijednosti projektne dokumentacije, nakon provedene procedure u skladu sa kriterijem za dodjelu ugovora „najniža cijena“, ocjenjena kao prvorangirana i najpovoljnija za ugovorni organ.

Komisija za provođenje postupka javne nabavke za pružanje usluga stručnog nadzora revizije projektne dokumentacije je za Lot 1 – Pružanje usluga revizije projektne dokumentacije za objekte visokogradnje i niskogradnje predložila donošenje odluke o izboru ponuđača „Kohisa“ d.o.o. Sarajevo sa kojim ponuđačem će se zaključiti okvirni sporazum.

Razmatrajući preporuku Komisije te cijeneći naprijed navedeno, preporuka Komisije je prihvaćena pa je odlučeno kao u dispozitivu ove Odluke.

POUKA O PRAVNOM LIJEKU: Protiv ove odluke može se izjaviti žalba u roku od 10 dana od dana prijema iste. Žalba se izjavljuje URŽ u pisanoj formi direktno, elektronskim putem ili preporučenom poštanskom pošiljkom, u najmanje tri primjerka. Uz žalbu je potrebno dostaviti dokaz o plaćenju naknadi za pokretanje žalbenog postupka.

DOSTAVITI:

1. Ponuđačima
2. web stranica ugovornog organa
3. u spis
4. a/a

